



OSHITUTHI SHEYAMBEKO LYAAPANGI MONGELEKA YANIIPA

Aapangi 19 ayehe ya longwa osikola yuupangi mosikola yoshipangelo shOngeleki ya ELCIN mOnandjokwe, oya yambekelwa moshilonga shawo eti 30.9.89. Eyambeko olya ningwa komukwathi gwomumbibisofi, omusita Matti Amadhila. Omumusita Amadhila manga inaa hempululitha aapangi mboka eitaalo lyaakriste moka taa yambekelwa mo, okwe ya kumagidhile oshilonga shawo shoka ye shi ithanenwa, opo ye shi longe mohole meidhidhimiko nomeifupipiko. Aaymbekwa oya leshelwa litokolitho yimwe ya simana yomOmauthompango gOngeleki ya ELCIN, kombinga yaapangi.

Moka oya kumagidhwa wo yi iyambe moshilonga shawo, pamikalo ndhoka tadhi simanekitha oshilonga neyakulo lyawo kaayakulwa montaneho yaayehe. Mokyakula kwawo aakemi oya dhimbulukithwa ya kale wo mboka ye shi okukoneka oompumbwe dhawo dhopambepo, yo ya kambadhale okutala nkene ye shi okukwathwa pamwenyo.


Pamikalo ndhika omuleshi okwa ti, omuyakuli ni itale wo omuyakulimwenyo miilonga nomokupopya naayehe. Shika osha li shimwe shomii-tokolitho mbyoka ya leshelwa aayambekwa moshilonga shawo.

Matron omukuluntu gwiipangelo mOwambo, meme Aletta Ngaikukwete, okwa li nomapulo moshipopwiwa she, ngoka a indile omukuluntusikola gwosikola yaapangi mOnandjokwe, meme Salmi Shivute e ga yamukule. Omapulo oga li ngaashi taga landula:

Epulo 1
Olundji ohaku ti aapangi inaa gwana, ano haa gwana tuu?

Eyamukulo:
Aawe, aapangi inaa gwana natango, otwa pumbwa aapangi oyendji opo oshigwana shetu shi yakulwe ethimbo alihe nopomahala agehe. Mboka ye li po otaa yakula ngaa, ihe onkene tuu twa pumbwa aapangi.

Tala kep. 4



Omusita Sephanja Kameeta ngoka a ningi eyambeko lyomudhimba

“Mboka taa gandja oomwenyo dhawo ondjambo omolwombili, emanguluko, uuyuuki noshili, oyo taa kala aluhe ye na omwenyo,” osha li sha popiwa pefumviko lyoshilyo oshikuluntu shoSWAPO, o-munaveta Anton Lubowski mOvenduka. Kameeta ngoka a yapula omudhimba gwanakusa, okwa ti, mboka ya dhipaga Anton, nenge mboka ya longekidha eso lye, otaa dhiladhila kutya oku shi ninga otaa dhipaga wo nemanguluko, uuyuuki noshili, ihe otaa ifundju. Shono tashi valwa komadhipago ngaka osho ashike etegameno kumboka taa hepekwa muuyuni netsomukumomo enene. Tala kep. 10.

Natango ou na ompito yokunyolitha oshifo shoye. Tuma ashike mbala edhina luyoye nondjukithi ya yela.



Aapangi mboka ya longo nawa oya copolelwa omagano. Methano ndika omuvalithi Simson Shekupakela, Nkurenkuru, ota taamba omagano ge.

OMBILI

Ombili oyi shiwiki komuntu kehe noyi holike kukehe gumwe, ihe hamuntu kehe he yi kongo mpoka tayi adhika note yi lalakanene oku yi dhiginina yaaye mu thige po. Ombimbeli oye shi yelitha kutya ombili oyo oshiyimati oshikwagulu, hayopevi. Muuyuni ohayi ya mo ashike kutya opanjwa kuKalunga omagano. Luk.1:14 ohayi zi muKalunga Rom.15:33.

Ombili otayi popi wo nkene uuyuni wa kala nombili yawo yene. Joh.14:27b Ndjika ohayi sindwa komaudhigu nohayi gandja efudho efupi. MuNamibia kehe gumwe ota zimine kutya ompumbwe yotango, yoshilongo shika ombili. Eeno, ku vulu okupopya ombili, inoo tumbula wo sha kohole. Inima mbika iyali likwanambwiyu, ohayi tu zile mugumwe awike.

Oyendji, ngele nani haayehe mevi lyetu, oya fudha omufudho gwokutsa oshenyo, sho ya kundana, kutya lita otayi hulu po, ombili yi holoke, efudhobo lyonkalo li galuke. Onawa wo okudhiladhila shoka ombili ndjoka tayi shi pula.

Omandhindhiliko oga yela mushika, kutya Kalunga okwe tu dhiladhilile ombili ndjoka. Haku tu dhiladhilile ashike, ihe okwa tokola wo oku yi tu pa. Ope na ompito ye eguluka okupewa nokutinda shoka tatu pewa. Okutaamba kwetu shono Kalunga te tu pe osho shoka Elelungeleki tali indile shi endiwe nasho komwilitaali kehe momadhiladhilo, omumvo tagu ya, nkene tu na okutaamba nokudhiginina oshipewa shetu.

Opo mpoka apeke tu na etegameno lyombili yoshilongo shika sha kakateiwa natango koondjahi dhilaningwanima yomonakuziwa. Elongo tali ti: Aanelago oyo mboka ye na ombili, oshoka oyo taa ki ithanwa sana yaKalunga Mat.5:9. Naishe, liyimati yauyuuki ohayi kunwa nombili, mumboka haa dhiginine ombili Jak.3:18

Sebulon Ekanjo

SHA DJA MOMUTUMBA WELELONGELEKI LETI 13-15.9.1989 MONIIPA.

491/89

Elelungeleki eshi la lesa ehokololo lovakonakoni vomulongwafita Lukas Haindongo nole mu pwilikina ye mwene, ola mona omukumo okuyapulila Lukas Haindongo moshilonga shoufita. Eyapulo ola ufwa li ka kale ko eti 29.10.1989, meongalo Onawa.

Elelungeleki ola tokola yo opo Lukas Haindongo a nangekwe omufita omuwiliki meongalo Onawa, okutameka efiku tuu olo leyapulilo moshilonga. Omubishofi okwa popifa omulongwafita ou opo a kale e na omukumo, kutya Jesus ote mu ilikanene a amenwe kowii.

497/89

Elelungeleki ola lesa ehokololo letalelopo kuCaprivi. Ovatalelipo ovo: Heikki Ausiku, Simson Sikongo, Taimi Saari novanyasha Ovacaprivi, Calvin Munda naRector Nyoka. Etalelopo ola ningwa 29.8 — 1.9.89. Opa konekiwa kutya onhele yOngeleki yetu oko i li novanhu ove li ko va teela Ongeleki yetu i tameke oilonga. Ewilikongudu lEtumo mOngeleki otali indilwa li ninge diva omalongekido taa pumbiwa, fimbo omudo inau pwa ko.

503/89

Omungilo mupe woshilonga shoshikondo shoudiakoni muELCIN eshi wa talwa kElelungeleki, oshinima osha undulilwa komesho kEwilikongudu lOudiakoni nokEwilikongudu longhalafano, sho shi ka kundafanwe mElelungeleki komesho.

509/89

Eumbo lomundohotola Stefan Lehler, mOnandjokwe eshi tali ka shuna kOndowishi, Elelungeleki ola tokola

okupula ehanganano la Dü, opo li tu kongele omundohotola ta i ponhele yomundohotola Lehler.

513/89

MElelungeleki omwa holoka dr Erastus nameme Magdaleena Sjamena, pamwe novaenda va dja kOsoomi ovo ve uya okufaneka ofilima yaNamibia paifano lOngeleki. Mokuholola ehambelero, Elelungeleki ola imba imbilo 318. Omubishofi okwe va tambula aveshe nepandulo nokwa ti:

“Ohatu yolo fye hatu lili oshita, ashike ehafo oli dule okulila eenghono.” Palufo laye dr Sjamena okwa ti: “Onye ootate noomeme, nonande twa hanga ovadali vetu va xula po. Onye ooluxupe voita. Kalunga na pandulwe eshi e mu amena. Fye ohatu hambelele unene Kalunga eshi twa alukila keumbo.”

516/89

Omolfefimbo lOmawilikongudu muELCIN la pwa ko, Elelungeleki otali indile omawilikongudu aeshe a tume omafaneko oilyo ipe kElelungeleki, fimbo Novomba 1989 inau pita.

518/89

Elelungeleki ola tambula noluhodi eshiivifo, kutya omufita Alfeus Sikwaya, okwa hauluka oilonga kOvenduka, ngaashi a nangekwa ko kElelungeleki. Edjepo lomufita Sikwaya inali enda pamaufu. Eshiiivifo ola ningwa komuwiliki woshilonga shomOushimba, omufita Josef Kapewangolo.

Mboka ya galuka keilongo lyawo

Aailongi mboka ya galuka keilongo lyawo noya pelwe iimaliwa yuunasikola, sha pitila kOngeleki ogwo omukalo okukala aluhe ya kundwa kElelungeleki, nokuulika oonzapo dhelongo lyawo. Omwedhi gwa zi ko, aalongwa yaali Kondjeni Kafidi naSakeus Akweenda oya holokele mElelungeleki.

Omulongwa Kondjeni Kafidi ngoka a galuka nonkatu yuundohotola yuuAputeka, okwi ilonga mouniveesiti yaMinnesota, muAmerika. Tango okwa mana onkatu yotango Bachelor of Pharmacy (B. Ph) omumvo 1986. Omumvo 1987 okwa mono onkatu yuundohotola moshilongwatu shoka shouAputeka (onkombitha yomiti).

Kakele koonkatu ndhoka, omusamane Kafidi okwa mona wo onzapo ndjoka tayi mu pe uutheмба oku longa moAputeka sho a longa nawa e vule yakwawo mongundu yawo, pauyelele mboka wa zi mElelungeleki. Keilongo omusamane Kafidi okwa mwene ompito yokuya nomukulukadhi gwe, meme Lusua. Onzapo ye nayo oyu ulukilwa Elelungeleki moka tamu holoka nkene e shi enditha nawa kombinga yoshilongwa shuunaapya nuunimuna.

Kombinga yomwiilongi Sakeus Akweenda, ehokololo lya zi mElelungeleki olya ti kutya ye okwa mono tango onkatu LLB, onkatu yotango moveta 1982. Olutiyali onkatu onkwawo LMM omumvo 1983, opo ihe omumvo 1989 onkatu yuundohotola Ph.D moveta. Okwi ilongele muLondon.

Aagundjuka mbaka ayehe oya yelithilwa kOngeleki, kutya omahala giilonga yawo omo ge li mOngeleki. Kafidi oti idheula manga mOshakati, sigo a pewa uutheмба wiilonga yaAputeka kepangelo ndyoka li li po.



Oshigongi shaagundjuka osha li mOngwediva 28.9-1.10.1989

Lesheni Ombibeli, pwilikineni Ombibeli, udei ko nawa Ombibeli

Nehemia 8:3-8

Efimbo omo Nehemia a li mo, ola pya. Neh 4:11,12 Ongaashi yo ovapiya vaKalunga vaha-pu va shakene kwa komaukengeleledi womaludi mahapu. Josua okwa li yo mefimbo la tya ngaha. Jos 9:9-11 Oinima yomo "Ingewala" oi lili Josua okwa kengelelwa a talifwa oikutu neenghaku nomingome. Ei aishe oya kulupikwa owina. Mokukonga oukwashili, movakongi vehangano ava, okwa idilila nee "embungu moi-kombo." Heeno Omwene Jesus okwa tya sha kovahongwa vaye. "Lungameni ovanhu." Mat 10:17

Ombilive ei oya pendulwa molwaashi pomafiku aa okwa kala taku popiwa unene, kutya Eengeleki adishe moNamibia di hangane meendelelo, oshinima inashi ningwa shito manga kwa li pe na omafimbo mawa. Nande tu shi shii nawa, oshipango shohole nombili oshaKristus noshopa-Mbibeli shili, Joh 13:34, oshipango eshi osha taunhukwa po nale. Nomatomhelo okwa yela nale. Joh 12:42-43 Paife otashi ka enda nee ngahelipi mbela?

Nale omufyoona okwa putudhilwa oukriste wawepedu, wopaufoona waye, omo a kala shito. Iha li pamwe novakengeli noiha kala omutum-bakoipundi yavo. Hano inashi puka ngeenge tapa penduka omaipulo, ngeenge okuhangana oku okwopambepo tuu shili. Ope na yo oshikumwifa shimwe, kape kwete okudimbiwa, okukonga oshipala shaKalunga nehale laye. Josua okwe ke shi dimbulukwa konima Jos 9:14.

Opa kala shito nopaipe yo omaundombwedi mahapu moinima yomaludi ngaashi aa. Opo momafimbo a tiilyaana eehonde, ovatondi ohava kala va vendjauka nondjungu. Jos 9:7,8 Hai ti: Ovakriste ava va tambula ko oukriste neitavelo kumwe nokudinwa, inashi va wanene nee ngoo? Voo va kale ngaa nee noukumwe wavo nEengeleki odo va dinwa nale pamwe nado?

Oshi na shike nexupifo lomwiitaveli oku ke lifininika meenghaku di he fi onomola yoye, noku omahangano Eengeleki dakwalukeshe. Doo da nyengwa nale okweenda ondjila imwe nanye?

Oipupulu oi na onhapo, ndelenee oshili ihai fiwa po.

Mu Jos 9:16,22 oipupulu oya kanena mondalaye. Shoovene osha yela ngeno ngeenge okuhangana oku otaku ningwa pamwe nomalihepaulilafano, nokutya elidilululo loshili. Momafiku onena omilaulu oda kindja, da tuvika oounyini aushe, omo yo eemhepo didjuu domaludi keshe tadi penduka eembadilila (euroklidon). Unene tuu omhepo yokoumbuwanhu. Kristus nOmhepo yaye na fifide Ongeleki yaye, ndele napa lungamwe shili oku mu lineekela muaishe Oil 27:7-14.

Mbela omhepo yokukonga oukumwe oya pendulwa kushike? Epulo eli oli li po, unene tuu mefimbo eli lomanangelafano nomaumbudi. Manga elidilululo la kanifwa nale, ongaashi nomishangwa oda kema kwaashi, nokutya ota ka 'ifanwa omunelao ou ta hangika neitavelo.' Mat 7:24,25

Ehangano ola pumbiwa ngaho shili, shaashi okulikalela okwa nyenga enongo. Ndelenee efimbo "okanya" kalo oka tilifa. Mokulesha ohatu didilike shihapu yo. Mat 9:14-15 Naku livangekwe oixuna ei hai ka landula ko.

Elondwelo lomukuluwonale

Omafimbo madjuu okwa kala ko noshito, mounyuni aushe. Ndelenee nande omafimbo maku-lu ile omape, osho sha yela nosho sha yela shililela, osheshi, kutya oukriste owomoukulu ile owomoupe wanakanena, shamha tuu e li waKristus naKalunga, ota pulwa ashike a kale oupafi, a lungamena efimbo e li mo. Unene tuu omakotokelo noukengeleledi.

Nehemia naEsra ove shi yelifa nawa eshi ovatondi hava dudu okuninga omhangela. "Fimbo inava shiiva sha." Ile "Nye ileni kufye." Neh 4:11,12

ETUMWALAKA KAALUMENTU LYOKOMUMVO

Amushanga gwoshilonga mokati kaalumentu mOngeleki yaELCIN, omusita Hosea Iyambo, okwa li a longekidhile aalumentu etumwalaka lyawo moshigongi shokomumvo. Etumwalaka olya pulakenwa kuyamweyamwe ayeke, oshoka okugongala nkoka kwa li ku undulilwa komeho, omolwomaimbo, okwa kanitha ompito yomagongalo ogendji.

Oumkwetu ina wapa okumona omusita Iyambo, opo a gandje omadhiladhilo ge mokugongala kwaalumentu nuumvo. Ashike ekundo kaalumentu lyokomumvo ngaashi e li longekidha, olya thiki mombelewa yOumkwetu, nomwa li amatumbulo gamwe ngaka.

Oumumvo 1989, ogwi ikalekelwa kutse aalumentu Aanamibia, osho wo koshigwana ashike. Shika osho tashi thiminike ndje ndi tameke ekundo lyandje nehambelero. "Omavi agehe ligoleleni Kalunga, tangeni esimano lyedhina lye..." Eps 66:1,5. Kalunga okwa galulile kegumbo aana yetu, ootatekulu, ootate, aamwatate noome. Kalunga okwa pitika iigwana ya hangana yi thike muNamibia, opo ku ningwe ehogololo lya mangeluka nolyopauyuuki. Shika inashi ya molwomapangelo goonkondo, ihe okOmbepo yaKalunga.

Ethimbo lyiita olya hulu po, naampoka inaayi hula po natango, otayi ka hula po. Tse atuhe moshilongo otwa pumbwa okuya kumwe tu longe onakuyiwa yoshilongo oshipe.


Oshigwana osha lwithwa nale komutondi nota tsikile natango noonkambadhala, opo e tu lwithe. Nonena mekundo lyandje kaalumentu yoshigwana noyOngeleki, otandi indile iilonga yoludhi nduka yi ethiwe, tse tu ye kumwe ngaashi oshigwana shimwe.

Iita sho tayi mono ompito yokuhula, otandi indile tu pandjuleni epandja epe etokele, tu tameke okutunga onakuyiwa ompe yoshilongo. Ethimbo lya hupu ko olyokuhangana, lyokudhiminathana po, opo tu kale yamwe koshipala shaKalunga. Oshikako shoka sha hupu ko, osho oshifupi ihe oshidhigu. Otatu pulwa tu hedhe kuKalunga, oye nota hedha kutse.

Tu kongeni Kalunga mpoka twe mu kanitha.

Momambo Ovajuda vamwe ova popya mo oinima ihapu yoludi eli, i tilifa shili, tai shingile oukriste washili mokukala oupafi. Membo Makabeus, (embo limwe li he li mOmbibeli yetu, ashike olopakriste) oukengeleledi womutondi owa kanififa eemwenyo dihapu 1,000. Oukriste wonena okwa londwelwa unene a ha ka kanife shi dule eshi, nokutya oshikrone shomwenyo.

Ovajuda ava va li ovatilikalunga otava dudu naanaa okufatulula oukengeleledi vovotondadi vovaendandjila vokuya kelao laalushe, ile okunyonauna po ombili yOngeleki yaKristus. Okulesha momukanda ou, oto mono shili oubudi wovanamakoto neendjovo diwa: "Paife osha wana-" nokutya tu hanganeni ngaa nee. 1Makk 2:2-7, 20-21 Oto dudu okulesha fiyo 33-41. Shiimba oukengelelwa okwa dja po a ka luka okaana kaye "Mwetulungameka" ile Talenina-wa." Kaleni apa mu kale oupafi pamwe naame. Mat 26:38b



Tu tuleni einekelo lyetu muye. Ethimbo ndika tu uka kuNovomba, otandi indile aalumentu yoshigwana shika noyOngeleki mu kale kokule nuundunda womapwaka nootombo. Kaleni kokule noondunda dhomakende. Ethimbo ndyoka li longitheni okuya koshigwana okupukululathana nokulongathana omukalo gwehogololo.

Kutheni ethimbo lya gwana ku dhiladhilwe oshilumentu, nkene tatu tungulula evi noshilongo shetu oshiholike. Omukalo gumwe aguke tu na nuumvo: Pokaketha kehogololo okuhogolola pamukalo, okweekelahi ondjoko yuupika komapepe goshigwana shika.

Owindji woongundu dhi inyolitha, kau vulu okungwangwaneka Omunambia a hepekwa kiita nokwa nyanyala iita. Otwa tseye shoka tu na okuhogolola, opo iita yi mone ehulilo, uukoloni u hule, uuyuuiki nombili yi mone ompito mokati ketu. Oshinakugwanithwa shoka osheni, aalumentu mu tale opo pwaa kale nando ngoka ta thigala konima mokukondjitha uukoloni, ondhinokalunga netangalalo, opo ondjahi yaKalunga yaa loke kombanda yetu.

Otu na okukondjitha uulunde mutseyene, momagumbo getu, momagongalo nomoshigwana shetu. Tu puleni Kalunga e tu pe onyati tse tu inekela omauvaneko ge omayapuki. Ngoka ta dhiginine sigo opehulilo oye ta ka mona Kalunga. Eps 27:13-14.

Eyapulo lyaapangi mOniipa

Dha za kep. 1

Epulo 2

Omolwashike ano aapangi yamwe haa yamukula aavu nayi?

Eyamukulo:

Osholela, aapangi yamwe ohaa yamukula aavu nayi, ihe sha mena osha za ketindi. Ngele omupangi ta yamukula omuvu nayi, otashi ti ina mona eputuko kegumbo, epuko lyaaputudhi ye.

Epulo 3

Ngele omuvu e li moombete oshimpwiyu

Epulo 7

Oshivanawa tuu omuvu ta tembuka moshipangelo inaa aluka a ye kushilwe, nenge ta yakwa mo ngaashi hashi ningwa?

Eyamukulo:

Uuna omuvu ta tembuka onawa e shi tseyithe kaapangi, opo a pewe okakalata ke omikithi dhe dhi ka landulwe nawa mpoka ta ka pangwa, ano te ka tindilwa. Ngele ota tembuka molwomikano dhaapangi, natango ne shi yelithe, opo ya mone epuko lyawo noku li opaleka.

kambete kamwe ye li yaali, osho sha longwa?

Eyamukulo

Aawe, hasho sha longwa, osha pumbiwa u tulwe mokambete kamwe ngele opwa dhimbulu-lwa kutya omikithi dhawo dhimwe. Osha longithwa unene ngele aavu ya ningi oyendji ye vulithe oombete. Nosha talika oshihwepo okutula mboka yomikithi dha faathana mombete yimwe, shi vulithe okushunitha omuvu kegumbo ye a pumbwa epango. Nokulangeka aavu pevi inashi pumbiwa, ihe osha ningwa omolwompumbwe yoyene.

Epulo 10

Omolwashike oosikola dhuupangi tadhi ilongo oomvula odhindji otaa ilongo uundohotola?

Eyamukulo:

Otaa ilongo ethimbo ele opo yi ilonge omuntu aguhe nonkalo ye, opo ya ka kwathe omuntu ekwatho li ihwapo.

Konima yomapulo ngaka nomayamukulo gago meme Ngaikukwete okwa kumagidha aayambekwa, kutya omuvu oye tango manga e li miilonga. Omupangi kaa tale oshilonga she ongo e shi ipe mwene, ihe na dhiladhile aluhe kutya oshilonga oshaKalunga mwene, ye okwa tumwa e shi longe palandulathano.

Omupangi ndhindhilika: 'Dhiginina oshipango oshitine mokusimanekitha wo omikalo noshilongaithano shoye. Kotoka waa ka ningwe ongoye Kwa ziwa kwa pepelelwa, kwa yiwa kwa ka kola,' matrona Ngaikukwete osho a kumagidha aayambekwa. Kaavu nokoshigwana ashihe Matrona ota ti, omupangi naye ina kuluka megulu, ihe omuntu naana ngaashi yakwawo. Ano aavu nayo naa ihumbate nawa. Epukululathano maantu ayehe matrona ota ti olyo wo tali humitha komeho. Pehulilo okwa gandja eimbilo 589.

Konima yetopolo lyoonzapo omulongi meme Shivute okwa kumagidhile aalongwa ye oonzapo dhawo: kutya odho iiho yontali yawo ndhoki tadhi vulu okunyenyetela ngoka ta longo shoka inaashi pitikwa. Ka longeni shoka tashi hokololwa koonzapo dheni, sigo Omuwa ta galuka. Okuza nena otwe mu toyitha notwe mu tuma, ka longeni ngaashi mwa tokola.

Omundohotola Amaambo okwa tumu oshipopiwa she shi thikithwe komusita Matias Ngipa-

Tala kep. 12



Aalongwapangi taa imbi moshituthi sheyambeko lyaapangi mOniipa.

shomuvu oshalye?

Eyamukulo:

Omuvu ota silwa oshimpiyu kaapangi ngele e li moshipangelo, ihe hakaakalelipo yomuvu.

Epulo 4

Oshi li ngaa uuthemba womuvu okupula omupangi kutya ote chama shike?

Eyamukulo

Eeno, oshivanawa omuvu a tseye omukithi gwe, mpoka tashi vulika omupangi ne mu lombele owala memanguluko.

Epulo 5

Ihe omolwashike ngele omuvu a pula omupangi, ha tsuwa ko naye illyaalyaka?

Eyamukulo

Ngoka te shi ningi oye tuu ngoka inaa putudhwa kaakuluntu ye, manga omushona. Ngele okwe ya muupangi nomikalo dhe omiwinayi, itashi mu zi sho a ningi omupangi.

Epulo 6

Otashi vulika omuvali te ya nokanona ke ta lombwele omupangi, kutya oka pupyala uupyu i thike pontumba, ihe omupangi ote mu ula kutya, wa ningi nale omupangi meme?

Eyamukulo

Ekwatho lyotango olya pumbiwa kumboka ye shi shi, ihe inaku yekekwa okupangwa kumboka yaa shi shi.

Epulo 8

Omuvu ota vulu ngaa okuya koshipangelo ethimbo kehe?



Eyamukulo

Eeno, oshipangelo osha patuluka ethimbo alihe, kakele kuupangelogona molwompumbwe yaapangi okukulilathana mo.

Epulo 9

Osha uthwa tuu aanona taa langekwa mo-

Konakonitha omeho goye manga kuyele



Okapangelo komakende oka patuluka nale 15.6.1989 pOmwandi gwaKamanya, muuninginino wago.

OMATHIMBO: Oke eguluka okuza Omaandaha sigo Etitano,

OTUNDI: 8.00 sigo 5.00 komatango.

Olyomakaya: 8.00 sigo 12.00 pomutenya.

Ila ano u konakonithe omeho goye, ngoye wi imonene omakende manga omeho goye inaaga yonuka.

Tseyitha wo eholoko lyoye pangodhi konomola 329, Ondangwa.

Ouhakumwenyo komunwi

Omunwi ota hangwa ngahelipi?

Luhapu mokulinyengifwa momwenyo ku nakuwila melambo loikunwa, ohe lipula ohandi mu ende ngahelipi opo ndi mu kwafe? Shoovene kashi shi shipu, ndele kashi shi yo shidjuu itaashi dulika ngeno. Otashi pula ashike omukumohole, elitulemolela noilonga.

Eemhito dokukonga omunwi

Ope na eendjila dihapu di lili nadi lili dokukonga omunwi. Ovanhu aveshe ihava kongwa komukalo wa faafana. Ou eshi ta hangwa noupu komukalo ou, ye mukwao ota hangwa nondjila ikwao. Apa ohatu tumbula po dimwe ove to tala kutya oto piti nailipipo.

(Taku tikilwa)

Eindilo kaanasikola yomOwambo

Omunashipundi moshitopolwa shOwambo gwehangano lyaailongi Aanamibia NANSO, omusamane Piet Nekuta, okwa ninga eindilo kaailongi ayehe, opo yi ihumbate nawa pethimbo ndika lyomakonakono gopehulilo lyomumvo. Shika okwe shi ya kumagidhile moshigongi shawo shopaulumompumbwe mOngwediva eti 28.9.1989.

Kaashonashona mboka ya vulile okuthika koshigongi shawo, omolwehalakano lyaanasikola molwokafudho komasiku goshiwike, omunashipundi gwoNANSO okwa kundathana nayo kombinga yaashoka tashi vulu okweeta epiyagane ko pethimbo ndika lyomakonakono nomukalo gwoku shi yanda.

Mboka ya holokele oya holola euvonayi iyawo,



kutya otaa piyaganekwa kokwaaha thika pamwe kwofuto yoshikako sha hugunina nuumvo, moosikola dha faathana. Ehangano lyaailongi (Nanso) pamwe nomunashipundi gwalyo mOwambo otaa indile oosikola oosekondele adhihe ndhoka kaanasikola haa lala nokuuhala mo, dhi kale nofuto yimwe. Nandhoka hadhi uhalwa owala aalongwa haa zi komagumbo dhi kale wo nofuto yadho yi thike pamwe.

Nekuta okwa ti oofuto ndhika ngele odha thikithwa pamwe nawa, osho tashi gundjilike aalongwa moosikola opo ya shange nawa omakonakono gawo nombili. "Aanasikola inamu ninga nande omakanka we pethimbo ndika, opo twaa iyoneneni onakuyiwa yetu twe yi taalela methimbo efupi," osho omunashipundi ta indile aailongi.

Okwa holola ompumbwe yelongelokumwe lyar. kuluntusikola naanona nokwoopaleka shoka tashi etele aalongwa omakuyunguto pethimbo ndika. Omunashipundi nguka okwa thigile wo aanasikola nenge oNANSO ayihe mOwambo, kutya ethimbo lye lyuunashipundi oli li pokupwa ko.

Okwe ya indile molufo talu landula lwoshigongi shawo, kutya otashi vulika omo taye ya ya ka hogolole omunashipundi omupe gwomvula tayi ya. "Onde mu pandula unene aailongi amuhe sho twa longeleni kumwe omumvo nguka, mpo-

ka nde mu ningi nayi tangi sho tamu dhimine ndje po," osho a pandula. Painekele lye onkene ngaa ta ka tsikila okukala pamwe nayo miigongi yawo, okutungathana.

Taati Kanana

Omukwetu a pukululwa



Festus Adolf nda kwatelwe 9.7.1988 ndele onda mangulukile 7.1.1989. Nande ongaho, vakwetu omo ve li meedolongo inava mangululwa mo. Otwa egululwa pamwe naManasse; Peter Emvula (a kwatelwe 10.7.1988); Joseph Nangolo; Festus Samuel (2.7.1988); Shali Kondjela Sheetekela Shiningeni (11.7.88).

Tsey a edhina lyoye

Matanaa	= omutumwa
Luther	= ngoka a pulakene aantu
Ludolf	= embungu lya simana
Linus	= oshihwa
Leevi	= uukumwe
Leo	= onime
Lasarus	= Kalunga ta kwatha
Laban	= omutokele
Juda	= chambelelo
Josia	= a aludhwa kuKalunga
Josua	= Kalunga kehupitho

ESO

Tatekulu Efraim Nangombe, Ondembo, mOshigambo, okwa mana oondjenda muSeptemba 1989, a landula omukadhli Albertina Kambungu, ngoka naye muAuguste 1989 a hulitha. Omusamane Nangombe okwa valwa 1902 mUuhongo mUukwanyama pethimbo lyelele lyomukwanilwa Mandume yaNdemufayo.

Okwa tembuka ko naakuluntu ye e taye ya mUukwambi, moka ya kala ethimbo efupi lyowala. Oya tembukile mOndonga noya kala mOneumba naakuluntu ye. Sho a koko okwa yi a ka longe kUushimba kOpumuna, Grootfontein nomoTsumeb. Oyo ya longo Okapale koondhila kaGrootfontein.

Okwe ya a tameke osikola mOniipa nokwa tsikile nayo kOngwediva. Manga inaa ka longa osikola okwa ningi omukalele paahongi yaShigambo mpoka a monathana nomuholike gwe Albertina. Okwa tameke okulonga pOshigambo nokuuvitha wo megongalo ndyoka. Kalunga e mu zimbula mepipi lyomimvo 82.

Iyambo Emirich
Oshigambo

++++
Filippus Nigombo Ondihaluka, okwa mana oondjenda dhe 9.8.89. Okwa thigi ko omukulukadhigwe nuunona 10. Tala omuuvithi 7:1-2.

Nestory Mashana Nkoshi
Windhoek

Nakusa Sakaria Nkunya

Omusamane Sakaria Nkunya, mliviyongo, Kalunga okwe mu zimbula muuyuni 13.11.1988 mepipi lyomimvo 100 muwehame wethimbo ele. Okwa thigi ko omuselekadhli gwe Karolina Hilunanye noyana yatano.

Omusamane Nkunya okwa putukile mlipumbu popepi naElim, muuyuni waNuuyoma wEelu gigo omuuyuni waNegumbo lyaKandenge. Okwa valelwe pamwe naamwayina yane, ye oye onkelo, ihe okwa thigwa po omushona kuyina nokwa putudhwa nomahini giikombo. Kuutondokwa waNegumbo sho a fadhuka po naamwayina ondjahi yilipumbu yaShilongo, okwa faalele wo naSakaria ngoka a li ye na ekwatathano naana yaNegumbo noya yi kUukwanyama.


KUukwanyama oko a ka shashelwa nokukolekwa noko a kongo omukadhona gwe Nuusiku ngoka naye a ka shashwa mEngela Karolina. Tshigwedha shaHango, sho a shuna kUukwambi, okwi ithana wo naSakaria a galukile koshilongo. Oye ya mliviyongo moka ya kala omimvo 45, sigo okuhula po kwe.

Paulina Sakaria
Iviviyongo



Nakusa Sakaria Nkunya pamwe neefolo lye Karolina.

Omasiku gatatu gaNujoma



Elongelokalunga lyuukumwe muAnamulenge, mOmbalantu

Elandulathano lyomupresidende gwa-SWAPO, okuninga ligongi pondje yOvenduka, olya tamekele noshigongi shotango koshitopolwa shOwambo 7.10.1989. Oshigongi osha ningilwa mOkatana noshakalwa kaantu taa nyengana okuyalulwa, mboka konyala ya za ashike meni lyoshitopolwa. Aapulakeni yoshigongi shoka otashi vulika ya li ye thike 55,000 nenge 65,000.

Konima yoshigongi shoka, omupresidende Sam Shafiishuna Nujoma eti 8.10.1989 okwa kala melongelokalunga lyuukumwe wOongeleki ndyoka lya li momisioni yaKatoolika kaRooma, muAnamulenge mOmbalantu. Elongelokalunga

nga ndyoka olya ningwa paindilo lye opo ku hambelelwe Kalunga molwomalunduluko gopambili ngoka ga holoka po okuhulitha po iita. Ewilikongundu lyOraata yOongeleki muNamibia (CCN), olya taamba ko eindilo ndyoka.

Natango esiku tuu ndyoka okwa talele po wo egongalo lyaandjawa, Okahao, moka a shashelwa nokwa putukile mo. Okwa mono wo ompito yokuthikama pombila yahe, nakusa Daniel Nujoma, ngoka a hulithile oondjenda dhe 17.10.1978 mepipi lyomimvo 75.

Nonando a si omukokele ngeyi, uunkundi mboka wa falitha omuvali ngoka sigo omeso, otaku talika kutya owa za unene momahepeko

ngoka a mona mondholongo yaPertoria kepangelo lya SA omoluupolotika womwana. Aamwayina yomupresidende yaali, Noa naHiskia mboka ya kala naye pondje yoshilongo nayo oya thikama pamwe naye pombila ndjoka.

Kongulohilela natango yesiku ndyoka, okwa talele po uwa womukwaniilwa Jafet Munkundi, mUkwandongo mOngandjera. Oomposi dhesiku ndyoka okwe dhi monene megumbo lyayina, kuku Helvi Kondombolo, mEtunda, popepilela nOkahao. Apehe mpoka Nujoma a kala ti inyenge, okwa kala metonatelo lyaapolosi ya SA, aapolosi yaUntag nometonatelo lyaamati yongundu ye.

Omuwikili gwaSWAPO Nujoma metalelopo lye ndika mOwambo, okwa thindikilwa komukulukadhi gwe, efolo Kovambo nokiilyo yimwe yomutimangundu gwaSWAPO. Omukuluntu gwomainyolitho nomahogololo, omusamane Hage Geingob; omusamane Natanael Maxwilili; omusamane Lukas Pohamba, ngoka a kala omudhigini gwiimaliwa yongundu.

Mosheendo omwa li wo omusamane Aron Shihepo, oondohotola mbali dhuunamiti



Euvitho melongelokalunga lyuukumwe muAnamulenge okwa li lya ningwa ku-Amushangandjayi, gwa CCN, omusita Abisai Shejavali. Oshikalimo sheuvitho tala moshifo tashi landula.

omusamane Iyambo Philip Indongo nomusamane Nicky Iyambo. Omwa li natango mosheendo shoka omusamane Festus Naholo nomusita ngoka a kala ta litha egongalo lyomuupongekwa, Erastus Haikali (Katalala) na efolo Pashukeni Shoombe.

Mosheendo omwa li wo omusamane Elias Tuhadeleni pamwe neefolo lye. Amushanga gwoshitayi shoPlan, omusamane Peter Mweshihange nondjayi yomatanga, Dimo Amaambo. Manga Nujoma inaa popitha oshigongi shaayehe mOkatana 7.10.1989 okwa

Tala kepandja tali landula



Methano pokatilela, omumbisofi K. Dumeni nokolumoho lwe, omupresidende Nujoma melongelokalunga muAnamulenge.

Tu ka hogololeni omulumentu omuluudhe

taambwa tango pegumbo lyomumbisofi Kleopas Dumeni pOniipa. Omumbisofi Dumeni neefolo lye meme Aino, osho wo omukwathi gwomumbisofi omusita Matti Amadhila, nayo oya li ya kala pamwe noshendo shomupresidende melongelokalunga lyuukumwe nometalelopo lyegongalo Okahao.

Eti 9.10.1989, omuwiliki gwaSwapo okwa talela po uuwa waNamungundo mOndonga. Manga inaa shuna kOvenduka, okwa tsakanena wo naakwaniilwa yiilongo ayihe mOwambo nomalenga gamwe omakuluntu miilongo mbyoka yaa na aakwaniilwa. Nujoma metsakaneno ndyoka okwa dhimbulutha aaleli mboka ya dhiginine uukumwe mokati kawo yene noyi ilonge okuhola uukumwe wevi alihe lyaAfrika.

Okwe ya shilipaleke kutya Swapo ota ka putudha oshigwana shi simanekwe aaleli yomomithigululwakalo, aakwaniilwa nomalenga noku ya kutha koho yondhino yaakolonyeki. Okwe ya halele eyambeko nomayele taga zi kuKalunga miilonga yawo. Shoka omupresidende Nujoma a popi kaantu yoshitopolwa shika momasiku ngoka gatatu, tala moshifo shoka tashi landula. Okwa thigi moshitopolwa shika omuzimbi gwetegameno, nonando amatilitho nomachameko otaga hanyekwa natango kumboka inaa yuulukwa ombili.

Tala kep. 8




Efolo Kovambo Nujoma

Oena tseyithilwa Omunamibia kehe e hole ombili moshilongo, komupresidende gwoSWAPO yaNamibia, eti 24.9.1989 moshigongi she shotango mOvenduka, konima yomimvo dhi vule 29, sho a galukile moshilongo okuza muupongekwa. Omupresidende gwoSWAPO sho a thiki poshigongi shaayehe mOvenduka, okwa li pamwe naakondjelimanguluko oyendji, mboka ya

kala pamwe naye pondje yoshilongo ethimbo li vule oomvula 25, naamboka wo ya kala konima yekumba lya SA, ngaashi omusamane yaToivo ngoka a kala mondholongo omimvo 18.

Omupresidende Nujoma okwa pandula omupeha gwe Hendrik Witbooi, mekondjo lye. Okwa ti omusamane Hendrik Witbooi okwi itula mo nawa nokwa landula omikalo dhahe, omusamane Witbooi ngoka a kondjitha nale uukoloni moNamibia pamwe nayakwawo.

Mokati kaawiliki yoSWAPO omwa tumbalekwa wo omusamane Natanael Maxwilili, ngoka



Tse oSWAPO otwi itaala mOngeleki, omo twi ilongo emanguluko lye etwa kuKristus komuntu kehe muuyuni; osho Nujoma a shilipaleka ilyo yOongeleki melongelokalunga muAnamulenge.



Ngoka e na elapi mothingo, omusamane Sam Nujoma a thikama pombila yahe. Kolulyo lwe oyina gwaKondo nokolumoho lwe, omusamane Maxwilili

kwa tiwa okwa kondja neitulomo mOmbaye nomuNamibia alihe. Opwa hololwa edhimbulukwo lyomapendafule agehe ga kanena mekondjo lyaNamibia, mwa kwatela edhipago lyomunaveta Lubowski, ngoka a dhipagwa komutondi omasiku ga zi ko. Aakondjelimanguluko ayehe oya dhimbulukiwa noya simanekwa mondjokonona yoshilongo.

Omupresidende gwoSwapo manga inaa popitha oshigongi okwa hokololelwa onkalo yoshilongo Namibia. Ehokololo olya li lya kwatela mo onkalo yiita, sigo elunduluko lyethimbo sho Aanamibia oyendji ya galukile kegumbo. Omunashipundi gwoshigongi omusamane Hage Geigob, ngoka a ti okwa thikile muNamibia eti 18.6.1989, oye a ningile ondjokonona ndjoka.

Omusamane Geigob okwa ti kutya nando opwa li omapopyo ogendji nomawinayi tse aawiliki

yoSwapo otwa thikile nawa moshilongo. "Okwa kala taku tiwa itatu ya mo, ihe nomupresidende gwetu okwa thika nawa," osho a ti. Geigob okwa tsikile ta lombwele omupresidende, kutya oya gwanitha po iinakugwanithwa mbyoka ya

pelwe ye yi longe moNamibia.

Okwa ti mokupopya noshigwana, osha kala tashi pula omupresidende a thike mbala kegumbo. Oshigwana osha ti Nujoma oye ta ka kala omuleli gwotango gwoshilongo Namibia. Engathithi lyaantu mboka yile ukumonathana nomupresidende koshigongi shoka, oyo lya hololele Nujoma, kutya oshigwana she osho mu yuulukwa nosha hala a ye koshipundi, opo a lele nombili. Omusamane Geigob okwa pulile oshi-

Tala kepanja tali landula

Omasiku gatatu gaNujoma mOwambo

Dha za kepannja lya tetekela

Omuwiliki gwaSWAPO Nujoma okwa pangula nonyanya omadhipago nomachameko ga kala taga ningilwa aakwashigwana pethimbo e li metalelopo moshitopolwa shoka, kiilyo yo DTA. Kiilyo yoOongeleki adhihe dha li melongelokalunga lyuukumwe muAnamulenge, Nujoma okwa ti, SWAPO ite shi taamba ko nando esiku limwe, kutya osha nyengana okutula melandulathano aayonaguli yo DTA mboka ya kanitha elandulathano.

Okwa tsikile, kutya Untag ngoka e ya owina

ngaashi ketu, shimpa tuu pe na elalakano nehalo ewanawa lyopapolitika oku shi ninga.

Manga oongundu dhaantu tadhi zi koshigongi shaayehe kOkatana 7.10.89, iilyo yo DTA oya ponokele osikola yoOseko yaMweshipandeka noomboma dhopeke, moka mwa sile aantu yaali noyendji ye vule 50 ye ehamekwa. Natango omboma yopeke oya longithwa okuhalakanitha ongundu yaakwashigwana mboka ya li nombili mokwiimba omaimbilo gekondjelomanguluko nokututula uudhano puundingosho waAmu-



Nujoma ta popitha aakulukadhi muuwa mOnamungundo

ongulohi. Omasiku omakwawo ogendji okwa kala natango omahindo goludhi ndoka.

Neuiltonayi enene komaso nomachameko ngoka, omupresidende gwaSWAPO, Nujoma okwa ti iinima mbyoka otayi ningwa kumboka ye shi shi, kutya kaye na eyambidhidho moshigwana shawo. Okwa ti Namibia sho li li natango okoloni ya SA, ye (Nujoma) ota ningi eindilo lyeulumo komupresidende gwa SA, omusamane F.W. de Klerk, opo a hulithithe po iilonga yomatanga ngoka ga thigala natango muNamibia.

"Ondi shi shi, SA ina tokola a mana mo okwiitha kokatokolitho 435, ihe SWAPO sho e li oshitopolwa shokatokolitho hoka taka hulitha po iita okuza 1977 sigo onena, tse otatu tsikile natango nomulandu gwetu gwetaambathano moshigwana," osho Nujoma a yamukula aatoolinkundana mOniipa.

Sebulon Ekandjo



Aakwanilwa; gUkwaluudhi methano kolulyo Shikongo shaTaapopi nogwaNgandjera Jafet Munkundi kolumoho, oya holokele moshigongi shetsakaneno nomuwiliki gwaSWAPO mOnamungundo, mOndonga

okukwatha Aanamibia, itashi mu nyenge (Untag) nando a tule po elandulathano lya kola mokagwana okashona ke thike mpaka

nganda, popepi nEheke. Aantu yaali oya sile mo noyendji ye ehamekwa. Nakusa gumwe omukulupe Madhigila. Osha ningwa 8.10.89



Omalenga gomillongo yoWambo oga monene ompolo kehe limwe okuminikwa komupresidende Nujoma muuwa waNdonga, ngaashi tashi monika methano ndika

Dha za kep. 7

gwana ta ti:

1. Omwi ilongekidha tuu okuhogolola Swapo yaNamibia muNovomba nuumvo?
2. Omwi ilongekidha tuu oku ka langela ompandaanda muNovomba, opo mu hogolole?
3. Mboka mu na iiyenditho omwi ilongekidha tuu oku ka fala oshigwana, opo shi ka thike mbala kuuketha wehogololo

Komapulo agehe ngoka omayamukulo oga li ga fa endundumo enene lyomvula; heeno otwi ilongekidha, manga ongonyo ya ganekwa mombanda endhindhiliko lyetokolo lya mana mo. Shoka osha tumbulitha omusamane Geigob: "Presidende, eendaka odiwa."

Okwa indila kehe gumwe a ka hogolole 'omusamane omuluudhe a ganeka ongonyo yu ukilila mombanda ya fa ondhimbo yonkwalute nombaikitha onduudhe ya tetwa pontulo.' "Natu ka hogololeni omulumentu ngoka, opo tu tule ni SWAPO yaNamibia koshipundi, tse tu kaleninoshilongo shetu tashi pangelwa koshigwana shetu yene," osho aawiliki yoSWAPO ya kumagidhile oshigwana shawo.

Taati Kanana

OVA SHANGELA NGE TAVA TI

Elongo mo SWAPO

Olwindji osha popiwa pomathimbo ngano kaatondi yongundu SWAPO yaNamibia shi na sha nelongo. Aniwu Swapo ke hole aantu ya longwa, ohe ya dhipaga po nenge e ya patele moondholongo. Swapo ando okwa li kee hole elongo ando mbela oha tumu ngaa aantu koosikola? Ando mbela oku na ngaa oosikola mookamba dhe?

Ando ota hepekele shike ethimbo lye niimaliwa okutungitha oosikola nokulongitha aantu, ngele elongo kali holike? Swapo ongongundu tayi kondjele emanguluko oya topola aantu yayo miitopolwa nomiikandjo yi ili noyi ili. Oshipopiwa shino oshi na sha nelongo, onkene otandi igameke kelongo.

Swapo yaNamibia oyi na oosikola dhopevi okuputudha Aanamibia mba ye li muupongekwa moAngola noshowo moZambia, oosikola dhopombanda ndatu moCuba nayimwe moCongo tadhi longo uunona omathele nomathele waAanamibia. Swapo oku na aanasikola oyendji ye li moosikola dhopombanda miilongo ngaashi:

Zambia, Kenya, Sierra Leone, Nigeria, Ghana, Cameroun, France, FRG, DDR, USA, USSR, Canada, Hungary, Poland, Sweden, Australia, Zimbabwe, India, Finland, Etiopia. Moshilongo kehe Swapo oku na ko oongundu noongundu dhaanasikola.

Swapo oya kondja naanaa opo Iigwanahangano yi tote po oosikola dhokudheulila Aanamibia ngaashi UNIN moLusaka (United Nations Institute for Namibia) nosho wo UNVTC moSumbe moAngola (United Nations Vocational Training Centre). Otu na oondohotola dhuunamiti, aapanji, aalongisikola, oondohotola dhiimuna, aana-mapya naaniimuna, ayehe mbano oya longithwa koSwapo yaNamibia.

Aantu te popi mpano oye na oonkatu ngaashi certificate, diploma, degree; e. g. LLB, LLM, MA, M.SC, PH.D nosho tuu momaitano gi ili nogi ili. Naatondi yehangano ndino Swapo yaantu yaNamibia oye shi aantu yangapi ya longithwa koombulu muule woomvula adhihe ndhono ya kala ya tula Namibia muupikakoloni.

Okusheka waa na uyelele itaku ti sha. Ngele ope na ngoka a hala okutseye omwaalu gwaantu mba ya longithwa koSwapo, oshikondo shElongo nomithiguluwakalo oshi na omwaalu (statistic) yi ihwapo. Swapo okwa tala ko elongo kutya oshitayi sha simana mekonjolo lyemanguluko.

Onkene eigidho limwe lyoSwapo kehe omuntu a kale a mona elongo "EDUCATION FOR ALL," kali shi ashike epopyo lyomokana.

Sheehama Aludhilu Ipinge Lusaka

Nashi monenwe ondjila kaavali

Ondi na elimbililo enene moshinima tashi inyenge mevi lyetu. Ootate noomeme otamu tu yemateke sho tamu shunitha ko itenya yeni, mbyoka tamu ti kamu shi ooyina kutya oolye. Oyana yeni mboka ya li kombanda oya yile ko ya ka kondjele oshigwana, ihe ne omwa fa inamu shi tseyu nawa.

Ngele omumwoye okwe ya noshitenya shoye megumbo, ino mu shunitha ko we. Ohamu ti, sha tulwa kumwe kuKalunga inashi kuthwa kumwe komuntu, ngashingeyi mwa hala mu shi kutha

kumwe. Inamu idhopa we pokati komuntu nomuntu, sho to zi mpoka oto igidha: "One Namibia, one Nations" nokutya Namibia limwe noshigwana otashi kala shimwe.

Aavali yamwe omwa yemateke oyana yeni mboka ya galuka moshinima shoka. Dhimbulukweni, kutya omwa mana po ethimbo lyanakuhepekwa. Okukala u shi hashikeshalye, opo a hokane omumwoye, hasho ohole ndjoka. Uuyamba hawo ohole, nashewe okukala u hole omuntu kashi shi ondjo. Aavali naa mone ondjila ombwanawa moshinima shoka.

E. Shitumba
Onamukulo



Ekumagidho kOongeleki

Aakwetu natu taleni oombinga adhihe dhiilonga mOongeleki. Ngele opu na iiyenditho nayi longithwe kaantu ayehe. Omuntu gumwe oha longele egongalo li li kokule naye, ndele oha futu iimaliwa ye mwene. Ye ando ota longele ngaa oshigwana. Iimaliwa ayihe nayi longithwe shi thike pamwe. Aantu mba ye li kokule ando naa kwathelwe ya pewe iiyenditho.

Ruusa Fox Malulu

Eindilombili koshigwana


Ngame Sem yaKambala megongalo Uukwiyuushona, mOndonga, onda li metanga lyomutondi S A, okuza Januari 1984 moka nda li nda lombwelwa kaagandji yillonga, kutya onda taamba iilonga yuupolosi wa SWA/Namibia.

Konima sho nda dheulwa, onda dheulilwa owala uukwilta wetanga lyoKoevoeta, inandi dheulilwa we uupolosi ngaashi nda uvaneliwa. Edheulo ndika onde li pewa oomwedhi hamano, olya li mOluno. Sho nde li mana onda kala he longo mOluno uule woomvula ne netata.

Muule womimvo ndhoka, tango onda li he longo pomweelo gwokamba, okutonatela uusiku nomutenya. Konima yomumvo gumwe onda tulwa mekulo lyokuteleka 1986. Omumvo 1987 onda tulwa pooRadio opo nda kala he longo sigo 1988, moka nda tuminwa koKoevoeta kOshakati kokamba yaNiimwandi, kosipana yedhina Zulu Delta (ZD).

Numvo 1989 onda tokola ndi galukile koshigwana, oshoka onda dhimbulula, kutya onda pukithwa. Miilonga yomutondi onda longwa mo okudhipaga aamwameme yaa na ondjo. Onda tokola ndi longele kumwe noSWAPO, nda mana mo. Onda galukila koshigwana okuza 11.7.1989. Ondi igandja nale kombelewa yoSWAPO kOshakati, nonda taambwa kuComrade Pashukeni Shoombe.

Shigwana, dhimina ndje po, onda tokola nda mana. Ngame ogweni, onda li owala nda pukithwa shili ndi dhipage oomeme, aamwameme nookuku



ayehe, ihe shigwana, otandi kongo edhiminopo. Otandi indile yakwetu mboka ya hupithwa ya galukile koshigwana, ngaashi ngame, otaa taambwa nombili noya tegelelwa, manga pe na ethimbo. Ope na oyendji mboka ya tula, nando ya hala okugaluka. Inaa tula owala, naa ye ashike pombelwa yaSWAPO, otaa taambwa.

Onomola yillonga yandje 801219 Konstabel, onde yi ekelahi, ine hala we.

Sem yaKambala
Uukwiyuushona

HOOLOLA SWAPO

TULA EDIDILIKO LOYE APA

SWAPO OF NAMIBIA	SWAPO		X
------------------------	-------	--	---

OMBILA YALUBOWSKI YA LANGEKWA PAMWE NODHAALUUDHE



Omudhimba otagu kuthwa mongeleka gu falwe komawendo



Omusamane Theo-Ben Gurirab, ta fumvike Lubowski.

Omunaveta noshilyo oshikuluntu mEhangano lyaSWAPO, Anton Lubowski, omudhimba gwe ogwa langekwa nesimaneke enene kAaluudhe momawendo gAaluudhe gaKatutura 30.9.1989. Pakudhimbulukwa kwaakallimo yomoshilando sha-Venduka, osho oshikando shotango omudhimba gwOmutilligane tagu langekwa mehalala ndyoka lya yoololeiwa Aaluudhe pamulandu gwokatongotongo kepangelo lyuukoloni.

Omusamane Lubowski okwa dhipagelwe pamukalo gwoshiyakela 12.9.1989, ongulohi pegumbo lye. Ewiliko lyaSWAPO niilyo ayihe yEhangano oya longekidha oshituthi shefumviko okugandja esimaneke lyawo lyahugunina komunashilonga pamwe nokomukondjeli guthemba womuntu kehe a simana.

“Oshoshili, kutya SWAPO naNamibia alihe

olya mona ekanitho enene lyaa shi okupingenwa nasha, omolweso li nyanyalitha lyomunaveta Lubowski,” osho sha tumbulwa komupresidende gwoSWAPO, omusamane Sam Nujoma.

Omusamane Nujoma ngoka a popi peha lyongundu ye mongeleka Onkwaevaangeli pa-Luther, yaKatutura, manga omudhimba inaagu falwa komawendo, okwa ti ngeyi kaalilasa:

“Tse aakondjelimanguluko eso nando tatu li taambako aluhe naapehe ongoshinima shaa shi okuyandwa, nosho tu na ando okutamba ko okuhula po okuwinayi kwaHailwa Lubowski, onkene tuu itatu taamba ko shoka kutse tashi holoka sha fa epangelo lyopaukoloni lya hala ashike okwiisiikila monguwo yonkalo yethimbo ndika.

“Otwa hala okutseya oshili moshinima shika, kumboka ya tulilwa po oveta nelandulathano, nokumboka ye na okuulika ethimbo kehe, nkene taa tsakanitha oshinakugwanithwa shawo shoka ye shi inekelelwa, okutonatela nokuwilika okatokolitho 435, mwa kwatelelwa onkalo yopambili yehogololo li li nawa nolya manguluka muNamibia.”

Oshituthi shefumviko osha li sha pewa oshipalanyolo: Most dear is the price for freedom and justice; (Shoka shi na ondilo, osho okwiyyambela emanguluko nuuyuki.) Omudhimba ogwa yambekwa komupeha gwomumbisofi, omusita Sephanja Kameeta. Pompito yimwe omusita Kameeta okwa tumbula ngeyi:

“Opo tu shi uvite ko ngashingeyi, Anton mokulonga neulumo, nani okwa li a hala okumana ashihe pethimbo lye.”

Omusamane Theo Ben Gurirab omatumbuloge gamwe pomawendo okwa ti kutya nakusa Anton ota tsikile okukala natse mushoka e shi tameke, okutungwa uuntu womuntu. Tse otatu ka tyapula shono sha tungwa kuye.

Tala kepannja tali landula



Anton Lobowski ota lala mpa.

Okamati Henok Andreas (20) inaka patana kutya ohaka yaka iikombo kiigunda uusiku. Uusiku inaka zimina uufuthi wiikombo mbyoka ya yakwa momagumbo gomudhingoloko gwOniipa. Ehokololo ndika oke li gandja manga ke li miipandeko omolwiikombo iyali ke yi kutha koshigunda shomusita Titus Ngula, mOshitayi.

Ongula yeti 3. 10. 1989 manga Henok yi ipyakidhila nokalukanda Okangwena, popepi nOndangwa, okudhipaga iikombo yawo ya fale pokapana, ohaluka yowala taa pulwa omapulo gaa na sha nompumbwe yonyama, ihe oompoka iikombo ye yi kutha.


Henok okwa adhika naikwata, ye Ndokosho yaKasita kIimbondi (27) ngoka a ti ye moshilongo opo a galukile mo owala konima yomwedhi gumwe (okuza Aguste) pamwe naagaluki ooyakwawo, ota ti osho oshikando shotango ta yaka iikombo, shito oha teya ashike oositola muNamibia nokombanda.

Omusamane Moses Amkongo, mOkambonde, okwa kanitha iikombo iyali uusiku koshigunda iikando iyali ya landulathana, kuku Sabina Ngalagombe, Epale naye okwa kanitha omathona gaali uusiku, omusamane Frans J. Nanzimbogo, Ekulo, iikombo iyali nomusamane Asser Uukongo, Okambonde naye oshikombo shimwe, omumvo gwonuumvo.

“Tse ohatu longele kOndangwa nokokaonde, popepi nOnamukulo,” osho aamati yi ipopile kutya hayo ya lya po iikombo yaasamane yomOniipa. Iimaliwa mbyoka hayi zi monyama oya ti ohaye yi nu po ashike omalovu.

Sebulon Ekandjo

IIMALIWA HAYI ZI MUUFUTHI ANIWA OYOMALOVU



Methano pombanda Henok Andreas kolulyo naNdokosho yaKasita, oya yedha iipa yiikombo yomusita T. Ngula mbyoka ya yaka koshigunda noye yi dhipaga po okulanditha iimaliwa. Tango oye yi halitha R20,00 kehe oshikombo nomwenyo gwasho.

Aainyolithi amuhe yOmu-kwetu, otamu dhimbulukithwa ngele ope na ngoka inoo futa natango oshifo shoye, u shi ninge mbala, manga iilonga inaayi pata.



Omafiku 18.8.1989 Nalya Hilma (4) okwa xulifa oweenda waye. Okwa li okamwanakadona katate Lucas name-me Foibe Nanghala, vomEenghala meongalo Ohalushu. Okwa flya ko ovaikulunhu vaye novamwanakadona vahamano.

Ookaume novashiinda vetu, unene vomEenghala nOmanghela otwe mu pandula unene, eshi mwe ile tu topolelafaneni oluhodi. Kalunga ne mu wedele eenghono natango. Eimbilo 621, Joh 14:1-2

L. Nanghala
Windhoek

Dha za kep. 10

“Anton ondi mu shi, otwa dhiladhila pamwe, notwa yolo pamwe, shika itandi ke shi dhimbwa. Onda li ndi shi aniwa otandi mu tsakaneke pamwe nosheendo shoka sha taamba ndje mOkapale sho nda thiki, inandi mu adha we,” osho omupresidende Nujoma a tumbula moluhodhi lwe.

Momatumbulo ge gahugunina, omusamane Nujoma okwa hiya Aatiligane oomvalele dhoshilongo nokwa ti: “Inamu kuutumba owala konima yomalugumbo, ihe ituliimo miilonga yemanguluko lyaNamibia.”

Lubowski ekondjo lye okukondjela uuthikepamwe waayehe moshilongo olya sindana. Ombila ye onti 6968, koombila dhAaluudhe taa lala momawendo ngeyaka, oya ningi yotango mefumviko lyuukumwe, woshigwana shaNamibia. Oshili oyo hayi hugunine okupopya, oshoka oshili ihayi fumvama.

Sebulon Ekandjo



Omuselekadhi Gaby Lubowski noothigwa dhe Almo kolulyo naNadia kolumoho

ETSEYITHO

Aalongwa yane mboka ya tungu elaka lyOshindonga mosikola yaAcademy mOvenduka okuza 24-29.9.1989 oya li:



Oprojeka yekonakono ndyoka oya li ye ende nawa unene. Aakona-konakoni mboka oya li ya kumithwa noya nyanyukilwa omakwatho ngoka ya pewa moshigwana. Oshindonga osha tamekwa okulongwa moAcademy ngaashi oshilongwa sha simana (major subject). Oshindonga otashi longwa ponkstu yotango numvo notashi tsikile sigo okonkatu ontitatu.

Okuza ngashingeyi oto vulu okwiilongela onkatu (Degree) nenge oDiploma mOshindonga. Longitha okampito haka. Aalongwa 14 ota ningi oshindonga numvo noyu uvite ombili. Ngele owa pumbwa omauyelele, monaathana na:

The Registrat
Academy
P/Bag 13301
Windhoek, 9000

Dha za kep. 4

ndulua. Okwa ti ota hambelele Kalunga ngoka a gamene aapangi pamwe naalongi yawo, opo ya thike moshituthiyambekelo miilonga shawo. Omalunduluko ga ningwa momumvo nguka ota ga hambelelitha Kalunga, Eps 118:1.

Momushangwahokololo gwe ota kumagidha aapangi, kutya aantu yaKalunga oya pumbwa enyanyu tali ziilile maayakuli yawo. "Nande tamu longo iilonga iidhigu, yambekweni miilonga nomonkalamwenyo yeni ayihe," osho a ti. Meinekelo lye omundohotola Amaambo ota ti, shi vulike wo oshituthiyambeko shika osho shi

Ehiyo kuunamapya

Pomulongo gwongula (10h00) mEtiyali 21.11.1989, Ofaalama yuunamapya pOkashana moWambo otayi ka kala nesiku lyaanafalama. Aanafaalama amuhe otamu hiywa.

Ombuto yomahangu ya tseyika "Okashana No. 1" otayi ka landithwa wo esiku ndyoka. Ndhi-nhilika: esiku ndyoka. Nokashana No. 1, oto ka ninga omutango.

kale sha hugunina shaapangi muNamibia inaali mangeluka. Mbika ayihe otayi tu hambelelitha Kalunga ketu. Ehala lyOmuwa nali gwanithwe kombanda yevi ngaashi hali gwanithwa megulu. Ekundo lye kaayambekwa, 1 Tim 1:12-15.

Aavali koombinga noombinga nookuume kaayambekwa oya li yu udhitha ongeleka yaNiipa esiku ndyoka, okupulakena nokulandula oshituthi. Pamwe nomusita Amadhila metenteko lyiikaha kaayambekwa opwa li aasita Vili-Heikki Shivute; Matias Ngipandulua naFestus Ashipala.

Oongundu dhimwe dhaapangi mOnandjokwe odha li dhi ilongekidha oondjimbo moshituthi shika. Ngaashi ongundu onti- 30 yuvalithi nongundu ontine yaalongwapangi, odho dha li dha tya shoo mokwiimbila oshituthi. Eimbilo limwe lyongundu ontine yaalongwapangi, ndyoka ye li uvithile yakwawo mboka ya yambekwa tali ti: "Sha mena osha dja ketindi, sho shokeumbo leni osho ngoo u na okuya nasho nongele ito kondjo oto fyaala po", osho ya dhimbulukitha aayambekwa naaputudhi.

Taati Kanana

Meme Kaarina (Elago) Uusiku (86), Ongulilla megongalo Elombe, okwa mana oondjenda dhe ombaadhillila megumbo meti 9/9/89. Okwa thigi ko oyana yatano nuutekulu owindji. Ota-tu pandula amuhe mboka mwe tu kwatha moluhodhi lwameme, nomagalikano nonomahekeleko geni, Kalunga ne mu yambeke, "Oomboka taa kunu nokulilla omahodhi oyo otaa ka teya nyanyu." Eps 38, Eimbilo 452 (momaimbilo)

Omagano C. Uusiku
Elombe

Oshigongi shaapapudhuki naaidhiliki moNdobe 18-20.8.1989

Oshigongi osha tamekwa nelongelokalunga. Omwa li omagongalo omashona gowala 20 lwampopo ga kalelwa po kaantu konyala 90, oshoka ngoye ino ya. Koneka kutya okukala inoo ya, nena owa hupa ko, kushoka sha li tashi kundathanwa.

Egongalo lyeni ngele inali tuma nando gumwe, olya kala owala monima ngaaka. Shitiwa ou shi ngaa kutya Ashram oshike? Ashram oshitya shOshilatin tashi ti; egalikano lyembwengelela, hali kwata ootundi 24. Ihe tse otwa kutha owala 12 omolwonkalo yethimbo. Oshiholekwa shi li megalikano lyaAshram osho 'eimatulo lyomwenyo'.

Aakulupe oya li mo oyendji ye vule aagundjuka. Tatekulu Kaulinge okwa li a fatulula kutya Ondobe oshike. ONDJIVA-ONDOBE. Oya li Ondobe yeno, eno olya tetwa po e tapu kekwa Ondjivandobe. KONDJIVA oko kwa li haku zi aawvithi sho taa ya okuninga omambo mOndobe.

Onkee tayi ithanwa Ondjiva-Ndobe, okudhimbulukwa aawvithi yotango yevaangeli mOndobe. Osha hulithwa nelongelokalunga lyUulalelo Uuyapuki. Andola wi ile ko ando wa tseyu uwanawa washo. Hakoondkondo dhoye, aawe, okombepo yandje ayike". Sak 4:6

**Amushanga gwoshigongi
Fenni Ndinombili Absalom**

E tu tetekela

Omwene okwa ifanapo omunyasha waye Monica Ndona Kashala (23) meti 19.9.1989, moshiponga shoshihauto moTsumeb manga a hangika ta di koolonga. Omwene ota ti, longekida cumbo loye osheshi ove oto fi.

Ohatu pandula amusho ovo nwe tu kwafa moluhodi letu kutya omalilikano ile palutu. Kalunga ne mu weleko koolonga yeni. Inamu teka omukumo twikileni natango. Eimbilo 133 (momaimbilo) Eps 32, Eps 126:5

Nghihalwa Ndatoolewe Lyaalukeni
Oshakati Sec School

+++++

OMUKWETU

Oye oshifo shOngeleki Onkwaevangeli paLuther yomu SWA/NAMIBIA.

Ohashi nyanyangidhwa mOshinyanyangidho shOngeleki mOniipa.

Omukuluntu gwoshifo omumbisofi Kleopas Dumeni.

Amushanga gwoshifo omusita Sebulon Ekanjo.

Ondando yOmukwetu muNamibia naSouth Africa R8,00 komumvo.

Pondje yaNamibia na SA R20,00 komumvo. Ndjika oyo wo ondando yoshifo shomondhila .

Oondando nomambesitelo agehe naga tumwe kOmukwetu, Oniipa, P/Bag 2013, Ondangwa 9000, N A M I B I A.

ELOC PRINTING PRESS
PRIVATE BAG 2013, TEL. (06762) 11, TELEX 56-3257 WK
SWA/NAMIBIA